

辨證錄

辨證錄卷之八

山陰陳士鏗敬之甫號遠公又號朱華子著述

瘧疾門

人有發瘧先腰痛頭疼且重寒從背起先寒後熱熱如火
熾熱止汗出不能卽乾遍身骨節無不痠痛小便短赤
世俗皆稱脾寒此乃太陽膀胱經之瘧也夫風邪從太
陽經而入卽瘧邪也惟是冬月風邪入太陽而成傷寒
若夏秋風邪入太陽而成瘧耳蓋冬月之風乃至寒之
風夏秋之風乃至熱之風也風不同而病亦異總之無

食無痰不能成瘧夏秋之間明是熱風作祟裹住痰食
不化行於陰而作寒行於陽而作熱也夫痰食之類遇
寒則停住遇熱宜流通何反裹痰食而不化此乃寒熱
酷烈因脾胃之衰盛以分勝負邪旺之極正不能敵邪
遂至狼狽無津液以養身體骨節所以痠痛也正既不
能敵邪邪勢更張反堵截其關津路口小便不能遽出
而邪火入之此所以短赤也治法健脾胃之土散太陽
之邪消痰化食邪無所恃而自散矣方用開邪散白朮

五錢茯苓五錢前胡一錢柴胡一錢甘草五分猪苓二

錢人參一錢青皮一錢枳壳一錢白豆蔻三分山查一
錢半夏一錢水煎服一劑輕再劑又輕三劑全愈此方
健脾胃之氣則土旺敢與邪戰健脾胃之中用利水化
濕之藥引邪直走於膀胱太陽之經邪從太陽而入仍
從太陽而出在本經尤易分消耳方中不專散太陽之
邪而兼表少陽之鬱蓋少陽乃太陽之去路早斷其竄
走之途則邪不得不仍趨太陽原路而去况消痰化食
之品無不用之得宜則堂堂之陣自然望旗幟而驚遁
矣

此症用加味四

君湯亦甚效

人參甘草桂枝各一錢白朮茯苓

苓各五錢半夏二錢水煎服

人有發瘧之時身先發熱頭疼鼻乾渴欲飲水日眴眴不
得眠甚則煩燥畏火光厭聽人聲喧嘩人謂熱病誰知
是陽明胃經之瘧乎夫陽明胃土也邪入陽明其勢自
大蓋陽明多氣多血之經其容水穀亦至盛宜足以容
邪何邪入反能作祟蓋水穀之氣盛正足資盜賊之糧
也譬如賊居深山勢不甚張及至入於城市則妄行流
毒恣其擄掠無有止足也陽明胃經之邪亦復如是若

胃中水穀未足充其飢渴必索水以救其內炎渴甚多
飲則水停於心胃之中心氣爲水所遏不得下交於腎
則心腎兩開何能寐乎心不能下交於腎則腎畏火炎
何敢上交於心以滋心中之液自然心無所養而煩燥
生火邪更熾傷火畏火喜靜而不喜動人聲喧嘩安得
不惡總皆陽明熱邪作祟也治法可不急瀉其陽明之
熱邪乎然而火邪居於胃中爍乾津液胃氣必虛但瀉
其邪不補其正則正氣消亡邪益跳梁是終無痊可之
日也故必須補中以瀉其火熱之邪則正不傷而邪亦

易解也方用平陽湯乾葛二錢人參三錢白朮五錢貝
母三錢橘紅一錢石膏三錢麥冬五錢柴胡一錢茯苓
五錢水煎服一劑輕再劑又輕四劑全愈此方以人參
白朮助脾胃之氣乾葛石膏瀉陽明之火邪貝母橘紅
消陽明之痰食麥冬滋肺經之炎柴胡舒胆經之鬱茯
苓泄太陽之滯既攻補兼施復彼此相制邪安得不退
避哉

此症用伐邪

湯亦效

石膏人參各三錢半夏柴胡各二錢麥冬五
錢茯苓一兩甘草厚朴枳殼各一錢水煎服

人有瘧病初發之時往來寒熱口苦耳聾胸脇脹悶作痛
或嘔或不嘔人以爲火熱之瘧也誰知是少陽胆經之
瘧乎夫風邪入於人身不敢遽入於臟每伏於半表半
裏之間乘人虛弱而後深入進退於表裏而寒熱生焉
故進與陰相爭則寒出與陽相爭則熱半表半裏者少
陽之地也瘧發之時必有寒熱之兆寒熱之往來適在
少陽所主之位口苦者胆汁外泄也耳聾者胆氣不舒
也胸脇脹悶作痛者胆血有滯也或嘔或不嘔者胆邪
挾痰食而上冲也治瘧之法甚多烏可舍少陽而別治

然治少陽之瘧有偏陰偏陽之分偏陰則多寒偏陽則多熱有純熱無寒有純寒無熱之時補偏救微總不可離少陽而求協其和平也方用和瘧湯柴胡三錢當歸一兩白朮五錢茯苓五錢半夏一錢甘草五分生薑五錢白芍五錢山查一錢青皮一錢水煎服一劑輕二劑又輕三劑全愈此方無一味不入少陽之經絡又無一味不入脾胃之臟腑祛邪復能輔正解表隨可固裏真和解之仙丹非特祛瘧之神劑也

此症用首攻

湯亦效

白芍五錢當歸二錢茯苓五錢半夏二錢香
射三錢羌活五分甘草神麴各一錢水煎服

人有發瘧之時先寒作顫寒後變熱面色蒼白善起太息
之聲甚者狀如欲死或頭疼而渴人以爲寒熱相問之
瘧誰知是厥陰肝經之瘧乎夫肝經之瘧由少陽胆經
而入若肝木自旺則少陽之邪何敢深入今因肝木之
虛邪遂乘機突入矣肝氣本急邪入肝中宜有兩脇脹
滿之兆茲安然不見有此等之病是肝之大虛也蓋肝
旺必怒不怒而起太息之聲者是肝弱之極不敢怒而
又不能制其邪故反生太息也甚如欲死者因氣逆不

能發聲也氣逆則火升於土而不易下降咽喉自存火
氣而作渴矣治法自宜急補肝以祛邪不可縱邪以伐
肝也方用補肝祛瘧湯白芍一兩當歸一兩何首烏生
用一兩鱉甲三錢茯苓五錢青皮一錢柴胡一錢半夏
二錢甘草一錢水煎服一劑輕二劑全愈此方全不祛
邪純補肝氣肝氣旺而邪氣難留得柴胡引出於少陽
之分則邪有出路自然易解矣

此症用護肝

湯亦效

熟地鱉甲各五錢山茱萸二錢何首烏三錢白
芥子三錢當歸一兩柴胡一錢五分水煎服

一有發瘧之時先寒後熱寒從腹起善嘔嘔已乃衰熱過汗出乃已人以爲感邪作瘧誰知邪盛於太陰之脾經乎夫脾乃濕土原易生痰食卽難化又得風邪合之自易成瘧夫各經之瘧俱宜兼顧脾土豈脾土自病反置脾於不補乎惟是脾乃濕土其性原濕單補脾土則土不能遽健痰濕之氣不能驟消嘔吐之逆未易安也必須兼補命門之火則土得濕和之氣而痰濕自化風邪無黨難於作威欲久踞脾而不可得矣故治法不治脾不可單治脾亦不可也方用溫脾祛瘧湯白朮一兩茯苓

苓五錢山藥五錢芡實五錢人參三錢肉桂一錢炮姜
一錢橘皮一錢半夏一錢甘草一錢白豆蔻三粒水煎
服一劑嘔吐定二劑寒熱除三劑全愈夫瘧病多本於
脾寒此方尤治脾寒聖藥凡是脾胃虛寒而得瘧症者
將方煎服無不神效正不必間其一日二日之瘧也

此症用加味本

苓湯亦效

白木二兩茯苓五錢半夏三錢肉桂
二錢生薑一兩白豆蔻三粒水煎服

人有發瘧之時寒熱俱盛腰痛春強口渴寒從下起先脚
冷後由臍冷至臍由臍冷至手而止其頸以上則不令

人以爲寒瘧也誰知是足少陰腎經之瘧乎此瘧最宜
早治亦須補陰爲主倘不補其陰開手用祛邪之藥必
變爲四日兩發之瘧也蓋此瘧原是內傷於陰邪乘陰
虛而入之初起時陰不甚虛卽用補陰之劑加入散邪
之味則隨手奏功無如人但去祛邪不知補正遂至陰
愈虛而邪益深也雖然邪乘陰虛深入吾仍補其陰陰
日盛而邪日退何不可治之有夫邪旣深入尚且補其
陰而邪退况邪初入之時補陰而邪有不速退者乎方
用退邪湯熟地一兩何首烏生用一兩當歸五錢鱉甲

五錢茯神五錢山藥五錢白芥子三錢柴胡五分人參
三錢水煎服一劑輕二劑又輕四劑全愈此方補腎中
之陰何加入柴胡人參舒少陽之氣健脾胃之土耶不
知邪入於腎必須提出於少陽半表半裏之間風邪易
於消散又恐柴胡入於至陰而提出於至陽非用人參
則升提無力故用之以健其脾胃則脾胃有生氣陽足
以升陰也况鸞甲首烏俱是入陰攻邪之藥邪見陰分
之中無非能征善戰之將何敢久戀於陰而不去乎越
出於陽分陽氣不虛豈容邪之存住陰陽並攻邪見之

却走矣

此症用四瘧

散亦效

熟地二兩 木一兩 甘草一錢 山茱萸一兩 人參五錢 白芥子二錢 柴胡三分 荆芥一錢 炒黑水煎服

人有四日兩頭發瘧者終年累月不愈但有熱而不寒雖有汗而不渴每發於夜人以爲陰虛之極誰知是陽衰之極乎夫邪入人身每乘陰陽之虛然瘧之初入必先入陽而後入陰入於陽則發近入於陰則發遠入於至陰之中則其發更遠四日兩發者乃內經所云間二日之瘧卽邪入於至陰也最難祛逐以陽氣衰微不敢與

邪相戰邪得安居於至陰之中耳夫邪正原不兩立正不容邪而邪每欺正今邪居於至陰譬如強梁之輩倚寓人家欺主人之軟弱鵲巢鳩居心忘主人於戶外矣四日兩發之瘧情形實有相似故治法必須大補陽氣後益之以攻陰邪之藥則邪出而與陽相角始可成功倘以爲陰虛惟用滋陰之藥則邪且樂得相資雖佐之祛邪之味彼且謹閉至陰之藏而不出矣方用提陰升陽祛邪湯人參一兩白朮一兩何首烏生用一兩鱉甲一兩茯苓五錢熟地一兩山茱萸五錢肉桂一錢柴胡